



**ҚАЗАҚСТАН РЕСПУБЛИКАСЫНЫҢ**  
**ҰЛТТЫҚ БАНКІ**  
**2006 ЖЫЛҒЫ**  
**18 ҚЫРКҮЙЕКТЕГІ**  
**№ 27 БАСПАСӨЗ РЕЛИЗІ**  
**Қайта қаржыландырудың ресми ставкасы,**  
**халықаралық резервтер және ақша базасы**  
**туралы**

**1. Қайта қаржыландырудың ресми ставкасы туралы.**

Қазақстан Республикасының «Қазақстан Республикасының Ұлттық Банкі туралы» Заңына сәйкес Қазақстан Республикасы Ұлттық Банкінің Басқармасы 2006 жылдың 1 қазанынан бастап Қазақстан Республикасы Ұлттық Банкінің ресми қайта қаржыландыру ставкасын жылдық 9,0% деңгейінде белгілеу туралы шешім қабылдады. Сондай-ақ алдыңғы ресми қайта қаржыландыру ставкасының мәні де жылдық 9,0%-ды құраған болатын.

Соңғы үш айда жылдық инфляцияның деңгейі мамыр айындағы 9,0%-дан тамызда 8,7-ға дейін төмендеді. Сондай-ақ 2006 жылғы 4-тоқсанда оның біршама төмендеуі күтіледі. Бұл үрдіс бәрінен бұрын ақша-кредит саясатын қатаңдату, атап айтқанда, Ұлттық Банктің операциялары бойынша ставкаларды көтеру (2005 жылдың басынан бері ресми қайта қаржыландыру ставкасы 7,0%-дан 9,0%-ға дейін жоғарылады), сондай-ақ ең аз резервтік талаптарды қатаңдату жөніндегі шаралармен түсіндіріледі.

Сонымен, Ұлттық Банктің соңғы бір жарым жылда қабылдаған шаралары банк секторының артық өтімділігін одан әрі шырмауға, соның нәтижесінде тұтас алғанда инфляциялық қысымның төмендеуіне көмегін тигізетін болады.

**2. Халықаралық резервтер және ақша базасы.** Қазақстан Республикасы Ұлттық Банкінің (ҚРҰБ) халықаралық резервтері (Ұлттық қордың ақшасын есептемегенде) және ақша базасы 2006 жылғы 15 қыркүйекте мыналарды құрады:

	Ағымдағы бағамен	Тұрақты бағамен <sup>1</sup>
<b>Таза халықаралық резервтер, млн. долл.</b>	<b>13 208,4</b>	<b>13 053,8</b>
оның ішінде:		
Таза активтер, ЕАВ-мен <sup>2</sup>	12 067,4	12 067,4
Алтын	1 141,0	986,4
<b>Ақша базасы, млрд. теңге</b>	<b>1 124,0</b>	<b>1 124,0</b>
Тар ауқымды ақша базасы <sup>3</sup> , млрд. теңге	1 069,0	1 069,0
ЕДБ-нің <sup>4</sup> ҚРҰБ-дағы мерзімді	54,9	54,9
депозиттері, млрд. теңге		
KZT/USD (кезең аяғында)	126,15	133,98
Алтынның бағасы (USD-дегі 1 троя унция үшін)	593,40	513,00

<sup>1</sup> 2005 жылдың аяғындағы теңгенің АҚШ долларына қатысты бағамы және алтынның бағасы көрсетілген.  
<sup>2</sup> ЕАВ-дегі таза активтер – бұл ЕАВ-дегі жалпы активтер мен міндеттемелер арасындағы айырма

2006жылғы қыркүйектің бірінші жартысында Ұлттық Банктің халықаралық резервтері азайды.

Ұлттық Банктің таза халықаралық резервтері ағымдағы бағаларда 2,4 % (немесе 329,9 млн. долл.) азайды. Үкімет шоттарына түскен валюта түсімдеріне қарамастан, Қаржы министрлігінің сыртқы борышына қызмет көрсету, Ұлттық қордың активтерін толықтыру бойынша операциялар жүргізу және ішкі валюта нарығында валюта сату таза валюталық қорлардың (ЕАВ) 275,4 млн. долл. азаюына әкелді. Алтындағы активтер әлемдік нарықтарда оның бағасының 4,56 % төмендеуі нәтижесінде 54,5 млн. долл. азайды.

Тұрақты бағаларда Ұлттық Банктің таза халықаралық резервтері 2,1 %, ЕАВ-дегі таза активтер 2,2 % азайды, алтындағы активтер өзгерген жоқ

Тұтас алғанда елдің халықаралық резервтері (ағымдағы бағаларда) Ұлттық қордың ақшасын (алдын ала деректер бойынша 11 217,4 млн. долл.) қосқанда 24 431,4 млн. долл. құрады. Азаю алдыңғы аймен салыстырғанда 0,2 % құрады

2006 жылғы қыркүйектің бірінші жартысында Ұлттық Банктің таза ішкі активтерінің өсуі (Үкімет шоттары көлемінің азаюы) ақша базасының 2,3 % (немесе 25,0 млрд. теңге) ұлғаюына себепші болды. Бұл ретте, тар ауқымды ақша базасының азаюы (ЕДБ-нің ҚРҰБ-дағы мерзімді депозиттерін қоспағанда) 4,3% (немесе 44,5 млрд. теңге) құрады.